

Naalakkersuisunut ilaasortanik toqqaaneq
(Naalakkersuisut Siulittaasuat)

Saqqummiussissut
(Naalakkersuisut Siulittaasuat)

Matumuuna Siulittaasoqarfiup Naalakkersuisut katitigaanerisa allanngortinnissaanut inassuteqaammik saqqummiussinissamut ullumi Inatsisartuni ataatsimiinnermi oqaluuserisassanut ilanngussinissannut periarfissaqartimmanga qujavunga.

Ulloq 9. april 2019 atuutilersumik Siverth K. Heilmann, Atassut, Aqqalu Jerimiassen, Atassut aamma Nikkulaat Jeremiassen, Siumut, Naalakkersuisunit tunuarput.

Tassunga atatillugu periarfissaq iluatsillugu Siverth K. Heilmann, Aqqalu Jerimiassen aamma Nikkulaat Jeremiassen Naalakkersuisuni suleqataasimanerannut qutsavigaakka.

Tamanna tunngavigalugu, inuit pingasut taaneqartut taakkua Naalakkersuisunit tunuarnerisa kingorna, Naalakkersuisut katitigaaneranni allanngortitsinissaq kissaatigaara.

Inatsisartut aamma Naalakkersuisut pillugit Inatsisartut inatsisaanni § 22, imm. 3 kiisalu Inatsisartut Suleriaasianni § 5, imm. 3 naapertorlugit inassutigaaara, Inatsisartut Naalakkersuisunut ilaasortat makkua toqqassagaat:

1. Vittus Qujaukitsoq, Nunatta Qitornai.
2. Karl Frederik Danielsen, Siumut.
3. Ane Lone Bagger, Siumut.
4. Jens Immanuelson, Siumut.
5. Martha Abelsen, Siumut.
6. Jess Svane, Siumut.
7. Erik Jensen, Siumut.

Inatsisartut aamma Naalakkersuisut pillugit Inatsisartut inatsisaanni § 23, imm. 1-imut naapertuuttumik, susassaqarfiit Naalakkersuisunut ilaasortat akornanni agguarneqarnerat, immikkut nalunaarutigineqassaaq.

Inassuteqaatinni allassimavoq Naalakkersuisuni ilaasortat, siulittaasup saniatigut arfineq marluutillugit, Naalakkersuisuni sulinerup ingerlateqqinneqarnissaa kissaatigigiga.

Taamatut oqaaseqarlunga Naalakkersuisut katitigaanerat pillugu siunnersuut Inatsisartuni kajumittumik suliassanngortippara.